

國

朝

列

卿

紀

國朝列卿紀卷之三十

南京吏部左右侍郎年表

趙

新

浙江富陽人鄉舉正德四年任右歷吏部尚書巡撫淮南

魏

驥

詳本部尚書鄉舉正統八年任左

鄭

泰

南直舒城人進士景泰六年任左

蕭

聰

江西泰和人進士天順元年任右掌部事

石

珪

山西應州人進士天順四年任右歷禮部尚書

章

綸

浙江樂清人進士天順五年任右歷南禮部左侍郎

范

理

浙江天台人進士成化五年任右

錢

溥

詳本部尚書進士成化十二年任左

尹直 江西泰和人進士成化十五年任右歷內閣太子少保兵部尚書兼翰林院學士

王俱 詳本部尚書探花成化十八年任左

黎淳 湖廣華容人狀元成化二十二年右歷南京禮部尚書

王克復 福建福清人進士弘治三年任右

童軒 江西鄱陽人進士弘治五年任右歷南京禮部尚書

梁璟 山西埽縣人弘治六年任右歷南京戶部尚書

楊守陟 詳本部尚書弘治十二年任右十五年轉左

黃珣 詳本部尚書弘治十八年任右

楊廷和 四川新都人進士正德二年任左歷內閣少師兼太子太保吏部尚書華蓋殿大學士

李旻 浙江錢塘人狀元正德二年任右四年轉左

王

瓊

山西太原縣人進士正德三年以吏部右調右侍郎

朱

恩

南直華亭人進士正德四年任右歷南京禮部尚書

孫

交

湖廣鍾祥人進士正德五年任右歷戶部尚書太子太保

羅

玘

江西南城人進士正德五年任右六年卒

儲

懽

南直泰州人進士正德七年任左八年致仕

石

珩

北直藁城人進士正德八年任右歷內閣少保吏部尚書武英殿大學士

羅

欽

見本部尚書正德十年任右歷禮吏二部尚書

朱

希

周 詳本部尚書狀元正德十四年任右

汪

偉

江西弋陽人弘治丙辰進士嘉靖三年任右改吏部

陳

鳳

梧 江西泰和人弘治丙辰進士嘉靖四年任右歷巡撫應天右都御史

李廷相

山東濮州人弘治壬戌進士嘉靖四年任右

胡世寧

浙江仁和人弘治癸丑進士嘉靖六年任右歷太子太保兵部尚書

湛若水

見本部尚書嘉靖九年任右歷南京兵部尚書

張邦奇

見本部尚書嘉靖九年任右歷南京兵部尚書

李廷相

見前十二年任右歷戶部尚書

潘旦

南直婺源人弘治乙丑進士嘉靖十一年任右歷兵部左侍郎

林文俊

福建莆田人正德辛未進士嘉靖十四年任右十五年卒於官

費霖

江西沿山人正德辛未進士嘉靖十四年任右歷禮部尚書加少保

張治

湖廣茶陵州人正德辛巳進士嘉靖二十年任右歷內閣

許成名

山東聊城人正德辛未進士嘉靖二十二年任右歷禮部左侍郎以後不設

茅

璜

浙江錢塘人嘉靖戊戌進士三十三年任右

李

璣

江西豐城人嘉靖乙未進士三十三年任右

尹

臺

江西永新人嘉靖乙未進士三十五年任右陞南京禮部尚書

潘

晟

浙江新昌人嘉靖辛丑榜眼四十二年任右

瞿景淳

直隸常熟人嘉靖甲辰會元榜眼四十五年任右

裴宇

山西澤州人嘉靖辛丑進士隆慶元年任右

鄭世威

福建長樂人嘉靖己丑進士隆慶元年任右二年改刑右

林

爌

福建閩縣人嘉靖丁未進士隆慶二年以吏部右侍郎調右

李

崇

湖廣長沙人嘉靖戊戌進士萬曆元年任致仕

翁大立

浙江餘姚人嘉靖戊戌進士萬曆二年任歷南京兵部尚書

王弘誨

廣東安定人嘉靖乙丑進士  
萬曆十二年任改禮部侍郎

海瑞

廣東瓊山人嘉靖己酉鄉舉萬曆十  
三年任陞南京都察院右都御史

姜寶

直隸丹陽人嘉靖癸丑進士萬  
曆十四年任陞南京刑部尚書

何源

江西廣昌人嘉靖己未進士萬曆  
十四年任右十五年改刑部右

趙志臯

浙江蘭谿人隆慶戊辰進士萬曆  
十五年任右十七年改吏部

羅萬化

浙江山陰人隆慶戊辰狀元  
萬曆十八年由南禮侍右任

南京吏部左右侍郎行實

趙新字日新浙江杭州府富陽縣人領永樂乙酉鄉薦入國子監與修 永樂大典永樂十一年除工部屯田司主事二十一年陞吏部稽勲司郎中宣德五年江西饑稅糧逋負寇攘時興蹇義推新行在侍郎 勅巡撫江西討平蠻寇察吏治詢民瘼時耕穫定征歛蠲浮費又勸民出粟賑濟饑民如吉水曾希恭胡有初等廬陵陳讓等各以出穀千石奏聞賜褒爲義民遣行人齋勞仍命有司復其家又建議以漕淮之舟順載西江之粟兵農兩利正統四年還朝調吏部右侍郎蒞事南京掌部事六年 詔天下教官員缺旣多監生能作三場文字考選允之於



是新同南京禮部右侍郎陳璉會祭酒陳敬宗倫選本年十月

馮南京禮部右侍郎詳江淮巡撫

魏驥詳本部尚書正統八年任左

鄭泰字

直隸廬州府舒城縣人永樂辛丑進士擢禮科給

事直言敢諫不避強禦正統中陞吏科都給事中十四年己巳

之變時進讜言景泰元年陞南京刑部左侍郎五年夏四月

朝覲黜陟已竣事吏部具兩京堂上官以請上曰此乃出自朝

廷親擢者不必動御史張瑄復建言欲將在京大臣黜一二人

上不從泰復奏請別邪正以勵名節宜密遣清正人員廣詢博訪

上亦不從時議謂泰等有所窺伺故附張瑄之議六年改南京吏

部左侍郎天順元年 英宗復辟以景泰用事之臣 勅令致

仕

蕭聰字孟奎江西吉安府泰和縣人宣德癸丑進士授刑部主  
事以丁憂去任起復補工部管繕司歷本司郎中嘗受 命總  
督修城調度經畫悉有方未幾改禮部祠祭司郎中練達老成  
卓著能聲天順元年以練達 朝章舉正老成陞禮部右侍郎  
本年調南京吏部右侍郎掌部事四年謫湖廣叅政尋致仕卒  
於家

石瑁字信之山西大同府應州人宣德癸丑進士擢禮科給事  
中性謹飭不務奇節正統九年陞金華府知府甚得民心十三

年征括賊有功陞福建右布政使朴實憫恤與民相宜天順四年陞南京吏部左侍郎五年 召陞禮部尚書詳禮部

章綸字大經浙江溫州府樂清縣人正統己未進士給告畢姻時父尚在殯綸葬畢而後娶還朝授南京禮部主事景泰元年陞禮部儀制司郎中適國家多故綸知無不言言無不盡首稱增會試取士額次言太平十六事累數千言俱准議行北虜也先索使通奸綸言宜暫結往來之盟以待天時人事之至 車駕欲幸大隆福寺綸言以 萬乘之尊臨異端之地傳之後世誠非美事又因災異請下詔求致災之由上示徹樂減膳之敬下推捐俸救荒之仁節濫賜之費罷補官之奉慎差遣之擾備

義倉汰僧徒諸事皆剗切景泰元年 英宗皇帝歸自北狩劉

居南宮 憲宗已在儲位明年乃易 兩宮踈隔嫌隙滋萌綸

特陳修德弭災十四事一畏天戒二任變理三養 聖躬四節

幸御五務儉約六勤論政七惇孝義八慎賞賚九重名爵十章

巡撫十一擇重臣十二辯異端十三却貢獻十四汰冗官其畏

天戒意謂內臣不可干外政佞臣不可假威福後宮不宜盛聲

色其惇孝義則謂 上聖皇太后爲天下母受天下養可謂尊

之至矣然必躬修問安視膳之禮乃盡尊養之誠 太上皇帝

君臨天下十有四年 陛下向嘗親受冊封爲臣子是天下之

父也至是以 天位授 陛下尊爲 太上皇是天下之至尊

也每月朔望及歲時節日宜率羣臣朝見於延安門以極尊崇之道而又復舊 皇后於中宮以正天下之母儀復舊 皇儲

於東宮以定天下之大本疏上忤 旨下錦衣衛獄刑逼誣引

濱死無一語及他惟御史鍾同先嘗有言故并逮之俱欲重坐

會天大風雨黃氣四塞刑乃少緩明年秋大理少卿廖莊入

朝亦以嘗請復儲杖於 闕庭因命杖綸與同至百同死綸幾絕

復生 英宗復辟登大寶 憲宗還正儲位首錄綸忠出之獄

嘉歎良深遂陞禮部右侍郎其後佐禮部益侃侃不回天順二

年山東水守臣請蠲租未允綸爲請得減其半 宗室有被火

盜乞賑恤該司沮以無利綸言 朝廷重親親宜出 特恩遂

賜金五百兩會南京禮部闕卿佐石亨楊善忌綸陽薦於（生實）  
陳之（也）上而論曰根本重地非卿不可事有當言具以來

賜白金文綺以行四年調南京吏部八年 憲宗嗣位有司奉

遺詔育日外請行婚禮言山陵尚新元朔未改百日從吉心實

不安釋服公除在前代固有常制諒陰婚娶於今日不忍隨宜

乞 特諭禮部來春舉行時雖迂其言識者韙之成化紀元又

陳救荒四事四年春 詔考察南京官吏與都御史高明議不

協遂劾之并斥御史部屬數十人五年以星變求避位不許尋

陞南京禮部左侍郎詳南京禮部

尹直撰公神道碑曰正統之末社稷非 景帝未知如何一時

安攘之功卓矣所不題者易儲一事耳使當時廷臣有能直諫  
以身徇之則儲未必易後有繼公連章會諍必從乃已則儲可  
必復正月十七日之變亦何由而萌奈何獨公奮發一言遂摧  
楚毒豈意生全復躋顯位以功名考終而榮及後人忠義之報  
何如哉蓋公孝友朴淳剛方坦易學問該洽遇事敢言然皆政  
教大體匪訐匪誣厥後 景帝拒絕讒問全護 兩宮其亦終  
有悟於公之言也夫

增

范理字道濟浙江台州府天台縣人少穎悟端凝咕嗶一呻輒  
能詠縣官常以 聖壽節禮儀鼓吹旗仗喧簇塾小生羣往觀  
理獨若無所聞坐誦不輟衆異之長爲縣學生博書古文山

水湧譽髦皆自謂弗如甫踰冠中宣德己酉鄉試第一

試第三皆有文錄之梓 廷試進士出身 宣宗嘗召諸進士

至齋宮親試用人何以得真才論理居第二 賜白金五兩楮

幣五十緡既而例歸省還 朝時重守令之選拜知江陵縣事

作榜文諭民懇切且明盡民口熟之縣當四方之衝過客旁午

理嚴禁令雖權貴無敢漁一錢先是民累歲負租至十四萬石

都御史徵之嚴理以民貧不能償也乃召將卒家之佃號畸零

戶者諭之曰世言戶役既佃舊立戶而免役可乎遂定其等各

出募役之米因以償負租畢完且平訟徭勸樹畜卹窮賑弱禁

奸招逋訪孝子節婦及忠賢之裔謹學校正禮俗民心翕然而



七月以舊令復遠去少保楊溥薦知德安府亦先榜諭吏民大率如江陵牧養之政後悉踐其言每歲必再按屬以省耕牧廉利弊每季必命題試諸生而第之拔其尤寘府後堂暇輒爲其師隨州民四百家田爲楚府護衛所占猶輸租理備奏盡歸其田民感甚皆立主祀之滿去以最異超陟福建布政使時大兵剿賊鄧茂七等理司饋餉善調度兵皆給食民不加賦朝廷嘉其功賜綵幣表裏各二楮幣十丁潘夫人憂起家拜貴州左布政使初貴州草創卽驛爲布政司以夷之難擾也久莫能改作理秦徙貴州前衛於他所以其地造司數百楹不擾而就上官無貲弗能職者十五六理悉俾襲更無敢難常移

夷情間抗章以蠲逋稅餉兵春以糧秋以銀便省漕四道湖廣  
饋糧貴州艱甚理俾代糧以銀爲之糴減時值十二貴民旣獲  
利而川廣被惠尤溥秩滿擢南京工部侍郎南京創自國初歲  
久凡百皆弊葺造鉅費理不欲煩民迺請營蘆塲之新葺抽分  
局之腐木碎炭內府之庫舊貯布帛通售銀殆萬兩又請南畿  
獄囚贖者隨葺造所需而納於是自 郊廟宮殿內外諸署城  
樓街表或造或葺動輒百千間旣修巡戰諸船數百兵食諸器  
數萬皆以次成而民不知又奏各處饋南京糧者自船抵倉多  
所費每米石費二斗請兵就其船人支三月之餉官取費米歲  
可萬石以備賑貸從之果利尋轉南京吏部左侍郎考謀公明

百僚憚之嘗請老至再不允滿考赴京途遇疾卒壽六十四早  
孤事潘夫人孝處昆弟友居官清慎忠勤凡政皆精慮而果行  
之一以興利爲主故江陵纔七閱月而去之日民遮阻不克則  
奔餞數十里慟哭而返少保楊文定公溥聞之曰世有爲縣七  
月遽得民如此怡愉各書所薦皆公名馬公謂其賢而文宜督  
學之職文定曰爲縣旣得民矣俾任民牧尤宜馬公諾合詞以  
聞乃有德安之職逮其去德安去貴州也民祖餞如江陵尤甚  
德安又勒其去思碑於府治其爲文章操紙筆立就率溫厚坦  
明深切事理嘗著讀史備志天台要略皆八卷詩經集解三卷  
德安府志丹台稿皆十卷藏於家

畜德錄云楊文定公溥執政時其子自鄉來云道出江陵不  
爲縣令所禮乃天台范公理也文定深重之卽擢爲德安府知  
府再擢貴州左布政使或勸當致書范公曰宰相爲一朝廷川  
人非私於理也聞文定卒乃祭而哭之以謝知己

錢溥詳本部尚書成化十二年任本部左侍郎

尹直字正言別號霽齋江西吉安府泰和縣人景泰癸酉領江  
西鄉薦明年甲戌中禮部第二 廷試賜進士出身改翰林院  
庶吉士與修寰宇通志丙子五月除編修 憲宗御極充 經  
筵講官與修 英宗實錄初 景皇帝名號未定或欲從昌邑  
更始例直力辯不可成化丁亥實錄成陞侍讀上言典章制度

必大備於文明之朝著述纂修當不廢於承平之世我 祖宗  
神功聖德雖登於秘史其儀文法制未載於全書雖有諸司職  
掌然遺略尚多更草不一欲示永久曷粹大成乃若通鑑綱目  
起自周威烈王迄於五季茲宜續修以成巨典一上是其言是  
年與校貞觀政要己丑春祀四陵以 秀王主祭祀官循舊分  
行直言往者兩大臣主祭故陪祀者可分 王今徧詣 四陵  
陪祭者尚可分即禮官愕然從之壬辰陞侍講學士所講必傳  
時政詞意誠懇 上每爲感悟乙未陞禮部右侍郎南京地震  
廷臣疏 請修省屬直具藁所陳多觸時忌同列頗難之直請  
獨任其責番夷入貢愬往年有遺賞數以萬計咸謂夷虜宜勉

徇直言給賞據當時名籍豈有遺者若一隨小人欺冒  
來何以繼之未幾來者果踵相躡衆益服其明決宣府左衛請  
度僧行百餘人直曰是皆在邊戍卒豈可空什伍以充梵刹乎  
議通行諸邊禁止之丙申以父憂歸己亥服闋改南京吏部甲  
辰陞南京禮部左侍郎詳內閣

王輿詳本部尚書成化十八年任左侍郎掌部事

黎淳字太樸湖廣岳州府華容縣人天順丁丑舉進士第一授  
翰林院修撰成化乙酉憲宗卽位充經筵講官丙戌遷左春  
坊左諭德丁亥修英宗實錄成進左庶子甲午考順天府鄉  
試時有試卷奇甚後場不類疑有弊勾稽墨卷果得謄錄生截

卷狀按其事而取是卷爲解首則名士馬中錫也人皆稱服嘗  
見天下鄉試錄多舛謬或犯諱摘奏數十條下禮部翰林院議  
治考試提調官罪且申定格例行之至今丁酉修資治通鑑綱  
目成遷詹事府少詹事兼翰林院侍讀 孝宗正儲位日侍講  
戊戌擢吏部右侍郎丙午改南京吏部丁未滿九載遷左侍郎  
加正二品俸級弘治元年陞南京工部尚書詳南京禮部

王克復字師仁福建福州府福清縣人天順丁丑進士授刑部  
主事歷員外郎中成化 年陞江西右叅政十 年陞湖廣按  
察使十九年陞江西右布政使二十一年轉江西左布政使二  
十二年陞都察院右副都御史總督蘇松糧儲兼巡撫

府弘治三年陞南京吏部右侍郎五年致仕

童軒字士昂江西饒州府鄱陽縣人景泰辛未進士拜南京吏科給事中嘗疏省冗員公考察倡武勇擇師儒杜倖進恤民隱多見採納天順中改戶科給事中 憲廟踐祚首陳帝王之治在先本而後末者數百言四川盜熾 廷議以軒往馳至賊所宣布 恩威賊羅拜以降進都給事中復上息盜之策明年盜復起謫壽昌知縣久之擢雲南僉事提督學校務以敦本爲教士風丕變歷副使叅政成化八年陞太常寺少卿十年命掌欽天監事弘治元年陞太常寺卿二年陞都察院右副都御史總制松潘軍務奏除松茂戍守之役人甚便之五年擢南京吏部



右侍郎十年進南京禮部尚書詳南京禮部

梁璟字廷美山西太原府崞縣人景泰癸酉鄉舉天順甲申進士擢兵科給事中進都給事中歷陝西左叅政左右布政使成化二十年陞都察院右副都御史巡撫湖廣地方二十三年回籍弘治六年起原職巡撫四川地方本年回院管事尋陞南京吏部右侍郎十一年陞南京戶部尚書詳南京戶部

楊守陟詳本部尚書弘治十二年任右侍郎十五年轉左侍郎黃珣詳本部尚書弘治十八年任右侍郎

楊廷和字介夫四川成都府新都縣人成化戊戌進士改庶吉士十六年任翰林院檢討弘治二年陞本院修撰四年陞

九年陞左春坊左中允十二年丁憂十四年起復十五年陞南京  
職十六年歷陞左春坊大學士兼翰林院侍讀十八年陞詹事  
府少詹事兼翰林院學士正德元年進詹事二年三月陞南京  
吏部左侍郎五月陞南京戶部尚書詳內閣

李旻字子陽浙江杭州府錢塘人少敏悟不羣稍長卽嗜詩書  
博文強記日數千言攻舉業文格華暢小試屢占首列名大起  
學者至欲爭識其面成化庚子浙江鄉試第一禮闈不利歸益  
自力於學甲辰 廷對遂魁天下授翰林院修撰丁未預修

憲廟實錄弘治戊申補 經筵官己酉丁父憂南還辛亥以實錄  
成卽家 賜銀十兩綵段二表裏癸丑起復前官丙辰同考禮

部會試滿九載陞左春坊左諭德沈安人卒予告歸居歲餘上

疏乞養母戊午朝京師直文華殿掌左春坊印兼修

牒庚申侍東宮講讀辛酉陞南京太常寺少卿壬戌署南京

國子監事甲子考績至闕下復以養母自陳正德丙寅召修

孝廟實錄改太常寺少卿兼翰林院侍讀仍修玉牒充講官

賜金帶丁卯奉命教庶吉士尋陞本寺卿管國子監事纔八月

陞南京吏部右侍郎四年卒於官年六十有四疾革時大司馬

何世光往視之惟以國恩未報母老無倚爲恨何公還第假

寐書室中見其整衣冠來託其母子恍惚間而計者已至其英

爽如此軀幹秀拔如稠人廣坐談辯懸河出入經傳

口誦盡成始末不遺疊疊終日聽者忘倦居常志在康寧  
下事無難者若太常之辨禮成均之教士皆未久而他遷詩文  
有法度著述數種多未脫稿藏於家

王瓊詳吏部尚書正德三年以吏部右侍郎調南京吏部右侍郎  
四年改南京戶部

朱恩字汝承直隸松江府華亭縣人按察司副使瑄之子也成  
化甲辰進士授行人司行人歷司副司正進工部員外丁憂起  
復補刑部員外郎進郎中弘治十八年陞河南副使正德二年  
陞河南按察使三年陞河南左布政使時大學士焦芳劉宇相  
繼爲太宰俱爲河南人恩趨附結納以故不次陞遷本年陞南

院右副都御史四年陞南京吏部右侍郎五年陞南京禮部尚書詳南京禮部

孫交詳戶部尚書正德五年任本部右侍郎本年陞本尚書未任

羅玘字景鳴別號圭峯江西建昌府南城縣人母傅淑人夢紅光燭天有物輪困類牛旋五色雲而下膜拜呼天熊天龍俄墜而寤越三日生兒時頭角嶄異奇氣勃勃畜議動作皆不肯後人嘗與羣從兄弟遊遇遺金衆爭趨攫玘獨礫視之未嘗色動讀書目數行下若涉獵不經意而大義了然父西莊遣人邑庠初謁尹尹以少易之試對偶出奇響應尹爲刮目初治

冠改治書及長樂謝士元守郡集郡彥誦又改治詩  
與儕類皆莫敢望而文尚奇崛力追古後考試於鄉六七竟不  
爲有司所知成化乙巳應例入監時閣老丘文莊公濬爲祭酒  
議南士不聽北留玘固以請至三受朴而銳不少挫丘心異之  
然猶且數之曰若能識幾字而崛強乃爾耶玘昂首大聲對曰  
惟中秘書未讀耳乃姑留之而識其名於堂柱越數日季試稿  
立就若宿構焉六館士數百人無能及之者丘驚歎曰有士如  
此而不名薦書誠有司之過也更命作長安賦以爲可步兩都  
遇知厚輒贊賞之丙午試京府時李文正公東陽傅文穆公瀚  
同典文衡得其文奇之以魁多士榜出相慶以爲得人明年遂

登進士改翰林院庶吉士益肆力古文欲卓然樹立成一家言  
同館類皆推遜弘治己酉授編修名益重求者戶屢相接然益  
自重不苟作有所酌應常杜門謝客終日苦思必得意乃始命  
筆意苟未愜稿雖數易不厭也每一篇出釀郁頓挫多不經人  
道語士林傳誦文體爲之一新志在經世限職守鬱不得應遇  
時事可言者輒以已見發諸奏牘而主於開悟調幹非欲激亢  
以取名也知武岡州劉遜坐忤 岷藩被逮給事中龐洋等救  
之觸 孝宗怒併下詔獄上言遜至付所司鞠明公法具在豈  
遽按而遣之卽有不自救之未晚洋等踈狂誠可罪然在 陛  
下宜優容之以全 國體又主事李夢陽以論劾張

吉汝拷又上疏謂鶴齡親在肺腑 陛下固將玉成之

一瘦死或自裁乃滋爲鶴齡累 孝宗感動薄洋等及夢陽之

責中官李廣死言者劾文武大臣嘗以賄交者欲據廣所籍記

大行斥逐玘謂具瞻攸在不必指其名而暴其惡也宜諭令自

陳或黜以他事庶不貽 朝廷羞識者韙之已丑考滿陞侍讀

正德丙寅陞南京太常寺少卿歷四年轉本寺卿尋陞南京吏

部右侍郎又嘗一再署國子監及通政司之事所在必究弊壞

而更新之堂隸有募役銀相承以給私用獨却弗受寺外之侵

疆旣復遂以是劄爲吏舍百餘又拓之以新庫閣並古祠留守

諸權貴見其挺拔不羣往往嚴憚自戢都人過於道亦皆肅然



時武宗臨御已六年而前星未耀中外臣庶人人憂懼自危而莫敢以爲言者乃連疏請早定大計以繫屬人心潛奪奸雄呶聒之念其言迫切且侵及當國諸老一無所顧蓋雖遠去

闕廷而其憂世之心懇懇焉未嘗忘也壬申秋滿三載入京至良鄉以老請得歸歸山中貽書知舊猶輒以時事爲慮然絕意聲利城府無跡逆濠素重之嘗問以金帛使及門乃豫走旁邑避不與接濠亂已病臥聞有司將舉義猶豫未決力疾作書趣之越二日而卒已卯七月二日也年七十有三居家孝友處宗黨有恩然義所不可雖親之命不肯苟徇其事師交友之道庶幾古人官兩京鄉人以公事至者卹其艱厄惟力之視必歸

蓋鍾奇氣而生其心迹類以奇自見可謂一代之人豪傑也  
侍郎崔銑云羅景鳴者振奇人也故其言捷於異而奮於典其  
見昭於細故而闡於大然能自著偉詞不亂於頽習往西涯公  
處於劉瑾張永之際不可言臣節矣士惠其私猶曲貸而與之  
幾亡是非之心景鳴責引大義願削門人之籍逆濠將叛遣使  
齎金餽於山中景鳴知之一夕逃去家人莫知其處噫烈矣哉  
儲懽字靜夫直隸揚州府泰州人幼穎異六歲讀書過目成誦  
九歲善屬文選克州學子弟員十六歲應鄉試名聞京師成化  
乙亥年二十三王淑人疾刺股救之卒時尚未室家貧無貲極  
力營墓每旦伏哭塚上夜則苦讀成化癸卯舉應天鄉試第一

甲辰會試禮部第一觀政吏部太宰濟南尹旻欲選爲屬懇求  
便養遂授南京吏部考功主事尋陞郎中弘治甲寅太宰鉅鹿  
耿公奏改吏部考功郎中公留意人才考注臧否無不曲當一  
時人士竦然戒曰儲君秋陽可畏居南部時考察庶官雖執政  
親戚知識者咸無假借天下服其公丁巳擢太僕少卿次年丁  
內艱去辛酉起復補舊職禁吏迎送除民苛費及馬政積弊乙  
丑陞本寺卿首舉馬政便民者四事疏於朝悉見施行譽望  
日隆性狷介寡合執政不相悅奏擢都察院右僉都御史總督  
南京糧儲革倉庾宿弊裁省供費及條陳應議四事多所惠益  
正德戊辰擢戶部右侍郎己巳遷左侍郎督儲其蒞政

都沉靜端毅中貴同事者咸見嚴憚時逆瑾用事稱爲  
不敢慢庚午春以疾乞休 詔賜乘傳還同事太監蔡甲素重  
其廉餽白金五十兩爲贖辭不受冬十月仍起爲左侍郎壬申  
年爲南京戶部左侍郎時四方多故京儲虛耗嚙籌畫深遠務  
善後圖癸酉正月改南吏部左侍郎尋卒於官嚙貌清羸若不  
勝衣端默簡重凝然臺閣之器爲文簡古多思尤深於冲澹沉  
蔚兼晉唐之風士林重之好賢惜才凡海內知名士咸見推引  
阨窮弗達者必思振起之辟遠非類不惡而嚴未嘗有不善人  
至其門也邵文莊公嘗語人曰持身當以柴墟爲方終不爲匪  
人累其見推重如此每與學士大夫語必政事文學等事否則

端坐終日而已居常與家人言亦恒引古賢孝貞烈故事爲訓  
絕無燕昵語事親至孝侍年八十顧慮周至四奉 勅誥平生  
鬚髮爪甲不敢棄遺竟以殉歛其謹身慎行此可類推已晚爲  
朝廷倚重故 誥辭稱其雅操不羣長才傑出學有本原志存貞  
固簡在已切矣年五十有七所著有柴墟文集若干卷奏議一

卷駟野集一卷

石瑄字邦彥直隸保定府藁城縣人成化丁未登進士選庶吉  
士除檢討德器剛毅知識不羣館閣稱重之以纂修功陞修撰  
侍經筵講讀 賜金帶四品服正德初士風漸漓於前類多巧  
宦瑄憤世嫉邪作媒說以諷久之陞南京翰林院侍讀

已遂補南監祭酒教法嚴邃濟之以恕五年七月祀  
監祭酒以身率人教嚴而莫敢犯九年陞南京吏部右侍郎簡  
靜持正十年改禮部累官內閣少保詳內閣

羅欽順詳本部尚書正德十年任右侍郎

朱希周詳本部尚書正德十四年任右侍郎

汪偉字

江西廣信府弋陽縣人弘治丙辰進士任右

國朝列卿紀

卷之三十

三

三

國朝列卿紀卷之三十終

三

國朝列卿紀卷之三十一

戶部序

夫戶部尚書者非古制也自漢成帝置尚書五曹

主財帛委輸并吏人上書事至魏文帝置度支尚書專掌軍國  
支計吳有戶部晉有度支皆主筭也宋及齊梁度支尚書領度  
支金部倉部起部四曹隋開皇二年改度支爲民部統度支民  
部金部倉部四曹唐承隋制不改永徽初年避廟諱改民部爲  
戶部顯慶元年又改爲度支龍朔二年又改爲司元太常伯咸  
亨元年復舊光宅元年又改爲地官龍朔元年復舊沿及趙宋  
相因不改然皆爲尚書省屬官與周官大司徒掌邦教之任固



不同矣 國初沿唐制設戶部尚書侍郎之職掌天下戶口田糧政令仍屬中書省洪武十三年革中書省陞六部每部分四子部各設郎中員外主事於是戶部其屬有四曰民部曰度支曰金部曰倉部二十三年爲天下庶務浩繁 欽改爲十二部曰浙江江西湖廣陝西廣東山東福建北平河南山西四川廣西各令清理一布政司戶口錢糧等事仍量其繁簡帶管直隸府州每一部內仍分爲民度金倉四科以領其事二十九年又改十二部爲十二清吏司永爲定制未樂元年改北平爲北京清吏司十九年定鼎北京革北京清吏司增雲南貴州交趾三清吏司宣德十年革交趾清吏司附十三司帶管凡十三司以

屬布政司府州縣地理人物圖志所載古今沿革山川險阻戶口多寡與凡徭役職貢之方經費賜給之算藏貨贏儲之准悉容尚書侍郎而奉行其制命自罷丞相以後戶部之職雖沿襲於度支而掌建邦土地之圖與其人民之數固隱然大司徒之任矣歷永樂洪熙宣德間夏原吉以戶部尚書參謀密勿加至少保領尚書事是卽成周三公領六卿之職之遺也正統以來委任日隆凡戶部尚書加至宮保者後先相望第承平旣久國家多事加之水旱頻仍邊儲告乏其所以酌盈濟虛類非有心計者不足勝此而一二壞事之臣復乾沒其間其甚也輕變成法使百十餘年邊計廢於一旦猶謂國有賴乎惟戶部改置

北京肇自永樂辛丑其總督京都及通州諸處倉場初命司屬理之而柄持內暨自宣德五年命李昶爲戶部尚書專督倉糧遂爲定制以後不拘尚書侍郎惟資秩相應者命之嘉靖十五年皇上垂意農事又命兼督西苑農事而委任視昔尤加重焉今詳各官年表於後其行實見於事紀其勲德茂著者表爲列傳

國朝列傳紀卷之三十一

國初戶部尚書年表

楊思義

洪武元年任  
人

朱昭

洪武二年任  
人

杭琪

洪武二年任  
人

滕德懋

南直長洲人掾  
史洪武三年任

蔣思德

洪武四年任  
人

楊訓文

四川潼川人儒  
士洪武四年任

海淵

洪武五年任  
人

俞溥

洪武五年任  
人

李

儼

南直泰興人故元進士洪武六年任

趙好德

河南汝陽人儒士洪武六年任改吏部

周

肅

江西吉水人故元樞密同知洪武七年任

韓

焯

洪武八年任

宋

冕

洪武八年任

周

斌

洪武九年任

倪

斯

應天溧陽人故元知州洪武九年任歷吏禮二部

沈

立本

舉洪武十年任

費

震

江西鄱陽人徵辟洪武十一年任

顧

禮

洪武十二年任

任彬

武十二年任  
人洪

徐鐸

江西豐城人  
洪武十三年任

劉平仲

武十三年任  
人洪

范敏

河南閩鄉人  
秀才  
洪武十三年任

徐恢

浙江常山人  
洪武十四年任

郭允道

陝西安塞人  
洪武初  
舉學行十五年任

曾泰

湖廣江夏人  
秀才  
洪武十五年任

王時興

湖廣應山人  
國初歸  
附洪武十五年任

梁恕

山西長子人  
歲貢  
洪武十七年任

徐輝

南直武進人  
吏員  
洪武十八年任

茹大素

山西澤州人舉人  
洪武十八年任

楊靖

南直山陽人洪武乙丑進士  
二十二年任歷左都御史

趙勉

湖廣夷陵人洪武乙丑進士  
二十三年任

郁新

南直臨淮人人才  
洪武二十六年任

王鈍

河南太康人故元進士  
韋除二年任

郭資

河南湯陰人進士未樂  
初年任加太子太師

夏原吉

湖廣湘陰人舉人未  
樂初年任加至少師

國初戶部尚書行實

楊思義字

人丁酉年入仕以委任稱 旨特

授起居注吳元年陞司農卿洪武元年八月設六部改戶部尚書奉 命行水旱去處不拘時限從實踏勘的係災傷稅糧卽

與蠲免民種麻每畝八兩木綿每畝四兩栽桑者四年以後有歲始徵其租不種桑者使出絹一疋不種麻者出綿布一疋十

二月 上思天下預備倉未立緩急公私無以賑濟乃行令各處悉立預備倉各爲糴糶收貯以備賑濟就擇本地年高篤實人民管理二年正月 帝耕籍田諭廷臣曰古者天子籍田千畝所以供粢盛備饋膳自經喪亂其制已廢上無以教下無以



勸其首舉行之以爲天下勸及是行之損益前代儀節務期切實得中自告朔而迄舉事其間太史文告之辭農官省扈之節一檢三推九推之數朱絃黛耜之文無不悉備又論思義等曰先王之世野無不耕之民室無不蠶之女自十一之制湮技巧之工作而後農桑之業廢厥思足衣食在於禁末作而革華靡夫一夫業耒而百家待食一女事織而百夫待衣欲人無貧不可得也後視園丘令左右導太子遍觀農家還謂之曰汝知農之勞乎夫農勤四體以務五穀終歲勤動國家經費此其所出故令爾知之取之有制用之有節使不致於饑寒也本年調陝西行省叅政後卒於官

朱昭字

人洪武二年拜戶部尚書八月

命昭等於蘇州太倉州儲糧三十萬石以備海運將有事於遼東以給軍士又於北平山東河間靈州廣東海北河東俱置鹽運使司及鹽課司每歲辦納鹽課每引二百斤先是置兩淮兩浙鹽運使司每引四百斤官給米一石至是又有此命本年十一月以怠職降蘇州府知府後卒於官

杭琪字

人吳元年拜司農少卿洪武元年八

月設六部改戶部侍郎與楊思義同經國賦二年十一月陞戶部尚書三年六月上諭琪等籍天下戶口置戶帖書各戶之鄉貫丁口名歲以字號編爲勘合用半印鈐記籍藏於部帖給

於民今有司闡點比對有不合者發充軍官吏隱瞞者處斬又  
令各處軍民有占籍而不應役者許自首又以北方田土不甚  
修治乃詔北方之人墾田地每一戶十五畝又給地二畝種  
菜有餘力不限頃畝皆免三年租稅本年以事貶陝州知州後  
卒於官

滕德懋字思勉直隸蘇州府吳縣人元季爲江浙行省掾叅政  
朶耳只班討方國珍辟爲叅謀渡海颶風大作舟且覆德懋神  
色自若人多服其有養國珍降留撫台州三年台人德之國  
初徵擢丞相府掾從征陳友諒除知信州以才力不逮辭改建  
昌同知時陳氏故臣王溥守禦建昌所爲多不法德懋以太


律之多所改進知潭州再進湖廣行省左右司郎中洪武  
年十二月召拜兵部尚書五年改戶部尚書奏准浙江行省歲  
輸糧九十二萬石二千二百六十八石設糧長一百三十四名又  
奉命設軍儲二十所各置官掌管本年以事免官卒德懋才  
辨豪爽器量宏偉其學長於奏疏凡招徠詔諭之文多出其手  
一統志稱其居官有大節云

蔣思德字



人任岳州府知府洪武四年任

楊訓文字



四川潼川州人故元淮海書院山長遇亂不出

乙巳年王師下揚州以儒士見留侍左右五月拜起居注上

諭訓文曰起居之職非專事紀錄而已要在輸忠納誨致主於

無過之地而後爲盡職也吾平時以百官所言一二在外猶尋  
繹不已今爾在吾左右可不盡言且爾素稱謹厚當始終一致  
苟易其所守則患必生矣譬如馳馬能戒於險阻則不墜肆意  
於平曠則顛蹶吾每以此自警故以示爾等他日復命訓文同  
滕毅集古無道之君若夏桀商紂秦始皇隋煬所行之事以進  
曰往古人君所爲善惡皆可爲龜鑑吾欲觀此者正欲知喪亂  
之由以爲之戒耳尋遷中書省左司郎中洪武元年陞太常寺  
卿二年出知湖州三年移知汀州四年陞禮部尚書協陶凱理  
部事是歲肇舉進士命禮部尚書陶凱與前侍講學士潘廷  
堅爲會試主司侍講學士詹同國子司業宋濂吏部員外

本前貢士鮑恂爲同考至廷試又命訓文協陶凱提調得

吳伯宗一百二十人號稱得人本年改戶部尚書奉

命令

外倉庫放支錢糧內則中書外則行省第其字號爲符券然後  
放出五年調河南行省叅政本年卒於官人稱其有學行政事

云

海淵字

人洪武五年拜戶部尚書本年調福

建行省叅政後卒於官

俞溥字

人洪武五年拜戶部尚書六年九月

進階正議大夫又奉

命鑄洪武通寶民有私鑄者禁之本年

以事免

李儼字民瞻直隸揚州府泰興縣人故元進士選充通寶官洪武三年授大都督府都事以才幹稱 旨五年陞刑部侍郎六年陞刑部尚書本年十月改戶部尚書奉 命行蘇松等府糧長每名設知數一名斗級二十名送糧人夫一千名以備運納未幾卒於官

趙好德字秉彝河南汝寧府汝陽縣人幼警敏有經濟志早失怙恃刻苦力學能文章善大書娶李氏有淑行會元末汝賴兵起郡縣多陷沒好德謂李氏曰我觀元運將訖豪傑並爭東南有天子氣欲往從之但汝有孕將媿如是子可名太平他日尋我若是女聽汝便遂灑泣以別自和陽渡江達金陵見 太祖

語合洪武元年以儒士命同知陝州事尋以安慶爲江淮保寧  
遂陞知府時草創之初修理公宇均定賦役民咸便之五年陞  
戶部侍郎六年陞戶部尚書七年出爲陝西叅政八年召爲吏  
部尚書詳吏部

周肅字

江西吉安府吉水縣人故元樞密院同知歲丁未

王師平定中原授御史臺都事以直諫稱旨 上特賜文綺楮  
幣以獎之洪武二年陞湖廣副使六年改河南府知府有惠政  
及民七年丁憂奪情起復陞戶部尚書經畫有方 上甚器重  
奉命免亡故官員之家徭役其山東正軍全免差役貼軍者俱  
免田百畝其餘田悉與平民同所有差役不得比例優免八年



以憲直忤 旨卒於官

韓焯字

人洪武八年拜戶部尚書本年免

宋冕字

人洪武八年拜戶部尚書本年免

周斌字

人洪武七年由登州衛知事拜戶部

右侍郎九年陞戶部尚書十年免

契斯字

應天府溧陽縣人故元嘉定州知州來附王師吳

元年授兵部員外郎本年擢尚寶司符寶郎四年出知泰安州  
六年陞河間府知府俱以才幹著而民亦不擾九年入爲戶部  
郎中尋陞戶部尚書本年調山西左叅政詳國初吏部

沈立本字

人洪武初年薦舉任甘肅衛經歷

九年陞戶部侍郎十年拜戶部尚書九月奉命考校錢糧用空印者罪之十一年正月奉命刻功臣俸米之數於石未幾出爲江西右布政後卒於官

費震字

江西饒州府鄱陽縣人洪武初年以賢良徵爲吉

水州知州以寬惠愛民有善政四年擢漢中知府時歲歉盜起震發倉儲十餘萬粟賑濟俾秋熟還倉易陳爲新盜乃來歸卽令占宅自爲保伍遂得數千家至秋大熟民悉還前粟上聞

而嘉之後以事被逮朝廷以震爲良吏釋之使爲牧民者勸

用爲寶鈔司提舉十一年以善政陞戶部左侍郎本年陞戶部尚書十二年正月奉命定丞相御史大夫等官歲祿之數刻

石官署中書省左右丞相御史臺左右大夫每歲各給二千五百石若駙馬都尉李祺梅殷每歲各給六百石平章李伯昇王溥潘原明每歲各給七百五十石俱於江西官田給與本年調湖廣布政使後以老致仕

顧禮字直隸崑山縣人洪武初徵舉九年任刑部左侍郎十一年起戶部十二年拜戶部尚書本年免

任彬字人洪武九年任戶部右侍郎十二年拜戶部尚書十三年免

徐鐸字江西南昌府豐城縣人洪武初舉人才擢中書省都事尋進左司郎中九年降平陽府知府

十三年陞應天府尹本年陞戶部尚書踰二月以逆黨免十四年起湖廣試布政使尋授山東左布政使後卒於官一統志稱其在山東學術正大洩政公平云

劉平仲字

人洪武十三年拜戶部尚書本年

免

范敏字

河南河南府閿鄉縣人洪武八年舉秀才性聰慧

博涉書史

十三年擢試戶部尚書自丞相

胡惟庸不法之後特召天下賢才有司類多泛舉敏薦下本李佑龔敷杜敷趙民望等俱耆老明經行修上召拜王本等爲四輔官王本等又薦儒士宋訥等並徵用之一時號稱得人本

年實授戶部尚書 上諭敏等曰曩者奸臣聚斂深爲民害統及天下織悉之物朕甚耻焉自今如軍民娶嫁喪祭之物舟車絲帛之類皆勿稅爾戶部宜榜示天下使其周知十四年三月上諭編造黃冊以一百一十戶爲里推丁多者十人爲長餘百戶爲十甲凡十人歲役里長一人管攝一里之事城中曰坊近城曰廂鄉都曰里凡十年一周先後則各以丁類多寡爲次每里編爲一冊冊首總爲一圖鰥寡孤獨不任役者則帶管於百一十戶之外而列於圖後名曰畸零冊成一本進戶部布政司及府州縣各存一本未幾以事免

徐恢字子輝浙江衢州府常山縣人博學有才幹洪武十四年

拜戶部尚書本年犯罪下獄 命減死論

郭允道字 陝西延安府安塞縣人洪武初年以學行舉爲

安塞縣學訓導十四年以賢良方正擢居近侍歷

十五年拜戶部尚書本年免

曾泰字 湖廣江夏縣人秀才有學行洪武十五年不次用

之拜戶部尚書本年免

王時卽興福初以字時興行後除興字湖廣德安府應山縣人

元末兵亂隱黃蘄間乙巳 太祖敗僞漢陳友諒於鄱陽時興

單舸赴之以精於推擇 上大悅擢知徽州丙午以善政改知

杭州俱有惠及於民洪武三年擢吏部尚書本年謫知西安府

十四年拜刑部尚書十月 上命時等論因擬律奏聞從翰林院給事中及春坊正字司直郎會議平允然後覆奏論決十五年改戶部尚書十一月 上以各處糧長催徵不便命悉罷之止令照黃冊人等催辦其各處奸頑之徒將田地寄人戶者就許受寄之家首告就賞爲業十六年四月奉 命復鳳陽臨淮二縣民雜差十七年以事免

大誥云刑部尚書王肯持五刑以弼五教肯所習者先聖之道及其行也不體先聖之教縱奸頑之志鬱良善之心懷暴誹謗惟在沽名凡奏刑名增減情辭故行出入每每不當御史唐鐸按實將欲勾問其王肯面傷唐鐸徑引唐則天故事上侮朝廷

下慢執法之官其詞曰你入我罪久後少不得請公入甕今所言王峇之事不過一二爾不才多矣

又云王峇將史靈芝并本夫及妄取軍屬姦夫盡行提取在部不行明坐妄取他人妻室爲妻之罪又不問鄉貫同否曾無日前有姦却乃吹毛求疵詢問出史靈芝三歲時曾定與姦夫唐閩山兄爲婚其人未出幼已故靈芝長成與姚小五爲婚已生男女三人王峇尚欲差人原籍勾取三歲媒合之人意在動擾良民持權妄爲有乖治體非止一端

栗恕字

山西潞安府長子縣人洪武七年以縣學生起貢入國子監授刑科給事中十五年廷臣薦其才特試戶部右侍



郎十七年陞試戶部尚書八月定各處鹽工本鈔兩淮兩浙每引二貫五百文河間廣東海北山東福建四川每引俱二貫十八年七月奉 命行兩浙京畿官田收稅糧鈔每五貫准米一石絹一疋准一石二斗金一兩准十石銀一兩准二石綿布一疋准一石苧布每疋准七斗夏稅農桑絲每十八兩准絹一疋重十六兩其天下有司官俸米每鈔二貫三百文准米一石其酒醋諸色課若有布帛米穀等項俱折金銀錢鈔除量存各司府州縣祭祀所用餘各令該司局等官親齋具奏有司帶辦者差吏管解俱以次年正月起程直隸府州限正月以裏各布政司限三月以裏到京若金銀鉛硃砂礬黃丹青綠毛纓碧甸子

鍾乳粉棕毛水銀俱解本色其餘魚茶酒醋礬硝鉛粉黑錫石膏商稅密課等諸課俱折金銀錢鈔若四川等布政司并北平河間等府州縣河泊所凡六百八十九道皆如之又令各該有司復設耨長以民力稍多者充當其各處賦役必驗丁糧多寡產業厚薄以均其力至是又命有司第民戶上中下三等爲賦役冊貯於廳事凡遇徭役取驗以革吏弊時以農桑起科太重百姓艱難今後以定數爲額聽從種植不必起科以甦其力本年以事免

徐輝字

直隸武進縣人吏員洪武十八年任

茹大素字

山西澤州人洪武四年庚戌鄉舉上萬言書稱

百擢監察御史五年設四川提刑按察司擢按察使執法平允七年召爲刑部侍郎本年降刑部主事十五年陞江西左叅議十六年陞都察院右僉都御史本年降翰林院檢討十八年九月陞戶部尚書十九年奉命革出納官物勘合令本部行文書下庫用印信乎本於各衙門關防出入九月庚申西平侯沐英奏雲南土地甚廣而荒蕪居多宜置屯令軍士開耕以備儲蓄

上諭大素曰屯田之政可以紓民力足兵食邊防之計莫善於此趙充國始屯金城而儲蓄充實漢享其利後之有天下者亦莫能廢英之是謀可謂盡心有志古人宜如所言然邊地久荒榛莽蔽翳用力實難宜後其歲輸之粟使彼樂於耕作數年之後

徵之可也二十年十二月 上以兩浙富民多畏避差役詭寄  
田產令戶部覈實遣監生往丈量畫圖編號悉書主名爲魚鱗  
圖冊以備查考又令陝西屯軍五十抽一糧稅照民田例田五  
百畝者一歲納五十石綠邊屯田收穀種外其餘剩糧以十分  
之二上倉二十一年令內外衙門關支物料本部編置勘合送  
內府收貯其該衙門奏類勘合赴該庫比號相同照數放支又  
令司禮監編置內官衙門勘合底簿本部編置在外衙門勘合  
與底簿內將一扇送 內府收貯本衙門與該庫各收一扇凡  
各衙門關領物件自行開數具奏關出勘合填寫物數齎赴本  
部比號填寫底簿僉押用印仍與該衙門齎去庫比號照數支

領本庫將勘合送司禮監收銷或有差錯等項該衙門即便具奏改正用印鈐蓋二十二年以事謫外尋召入自經編置子孫於貴州

楊靖字仲寧直隸淮安府山陽縣人洪武乙丑進士改庶吉士試事戶科有才幹本年擢試戶部左侍郎十九年實授二十二年陞戶部尚書二十三年上命榜諭各處稅課司局巡攔令計所辦額課日逐巡辦收於司局按季交與官攢出給印信收票不許官攢侵欺致令巡攔賠納違者重罪其各處稅課司局巡攔商稅俱三十八分稅一不得多收本年五月改刑部尚書歷太子賓客左都御史詳都察院

趙勉字

湖廣荊州府夷陵州人洪武乙丑進士歷事工部

本年除審刑司左詳議十九年陞大理寺丞二十年陞大理寺卿二十一年陞刑部左侍郎二十二年陞刑部尚書二十三年五月改戶部尚書賜之誥曰昔君天下者首建倉廩府庫備糧儲藏金帛以待軍國之需庶職之祿給也故必設官以司之古稱天子富有四海所以昭滿盈示儆戒也若好人在君之左右使掌之動以富爲首言則君恍如富兒妄費不問民之艱辛賢臣必欲致君者當敷奏府庫之儲乃民之膏脂一有妄費國本虧矣知斯艱難謹共出納則府庫倉廩皆有餘而祿給充軍足食民無橫斂國有常令大道張君德美矣至於戶口之登耗

必當進上朕於是職心惟其人今特命爾勉爲戶部尚書於平  
量人爲出毋擾於民至公無私未懷朕命復論勉曰務農事穀  
王政所先古者民勤耕稼之勞故三年耕則餘一年之食九年  
耕則餘三年之食二十七年則餘九年之食是以歲或不登民  
無饑色以儲蓄有素故也朕累勅有司勸課農桑而儲蓄之豐  
未見其効一遇水旱民卽饑困故嘗令河南等處郡縣各置倉  
庾於豐年給價糴穀就擇其地民人年高有德篤實者掌之或  
遇荒歉卽以賑給庶使民得足食野無餓殍其有未備之處宜  
皆舉行是時方召天下老人至京隨朝命擇其可用者使齎鈔  
往各處同所在官人糴穀爲備十月奏准遣監生同各府州縣

官拘集各里甲人等審知逃亾該縣移文差親隣里甲於各處  
起取其各里甲下或有他郡流移者卽時送縣官給行糧押赴  
原籍州縣復業又定官田每頃科草七包民田加倍俱起運赴  
京師草場交納又定浙歲辦鹽引每丁辦小引鹽十六引引重  
二百斤復鹽工丁半之其餘工丁四引二十四年命以戶部署  
禮部事三月復定黃冊格式禁有司官吏里甲不得科斂民財  
有改抹文冊刁蹬不收者許老人指實連冊綁縛害民吏典赴  
京具奏犯人處斬里甲通同人戶作弊隱瞞者及將原報在官  
田地不行明白推收過割一槩影射減除糧額等項一體處死  
隱瞞人戶家長處死人口遷發化外編排里長不出本都不許



別都人補湊庵觀寺院僧道有田糧者亦編入冊與里甲納糧  
當差寄莊人戶除里甲原籍排定應役雜泛差役皆隨田糧應  
當冊成送戶部轉送後湖收架委御史二員戶科給事中一員  
戶部主事一員監生一千二百名以舊冊比對清查如有戶口  
田糧埋沒差錯造冊徑奏取旨凡官員監生吏卒人匠每五日  
一次過湖瞭曬司禮監戶部收掌鎖鑰不許一應諸生往來其  
各處軍民人戶有籍不明解人前來挨查後湖黃冊不許將府  
州縣全抄止許抄本戶糧田軍民丁產來歷明白即便發回亦  
不許因而帶抄別戶以泄事機五月 上以應天等府如太平  
鎮江寧國廣德興王之始供給艱難其官田稅糧自後減半徵

一收又思京師當令富實卽令戶部行各布政使司選富戶起送入京以實之十一月 上諭各處商稅衙門河泊所官吏每歲收辦課程不許勒索科鈔但有字貫可辨真僞者不問破爛酒汚水跡紙補卽與收受解京若官吏巡攔刁蹬不受及因而不堪辨真僞鈔解京者俱坐以罪其揚泰二州鹽引俱依淮鹽例二十五年勉等奏馬草不敷 上曰邇年供給馬草有司好生擾民且如青草時月軍人牧放馬匹就場打草晾曬每晚馬上馱回一日的草豈不用五七日若將夏秋積的草數算來一冬儘用不了戶部行文書去山東山西河南北平陝西四川等處衛分知道今後民間不徵收馬草官軍的馬再不支與馬草料

是官下馬着他家人自打草喂養軍人的馬自積聚秋青草喂養十二月勉同妻坐贓罪妻父翰林院學士劉三五請吏部自陳壻戶部尚書趙勉夫婦坐贓罪法當死皆緣素失教誨致負深恩今已被御史糾劾雖蒙恩宥竊思職居近侍自當引退以勵廉恥吏部以聞遂免其官

郁新字銘本直隸蘇州府吳縣人洪武二十一年以人才徵授戶部度支主事 賜名新次年改制戶部設十二屬司遂陞北平部郎中二十四年陞戶部右侍郎二十六年奏事庭中被顧閔天下戶口數目漕運地理險易應機響答無遺謬 上嘉之遂陞本部尚書二月 上令棟各布政司并直隸府州縣解納

絹布如泥污水跡堪染顏色及稍破壞者皆不必陪壓爛破損不堪用者准陪補亦不治罪因定折納絹疋則例每絲二十兩及十八兩折絹一疋長三丈二尺闊二尺綿布長三丈二尺闊一尺八寸重三斤二十七年九月立災傷去處散糧則例先是壬申歲山東災傷每戶給鈔五錠癸酉歲令天下有司凡遇歲饑先發倉廩賑貸然後具奏及是乃定則例凡人戶大口六斗小口三斗五歲以下不與二十八年三月因各邊缺糧新等奏請中納米定爲則例出榜召商於缺糧倉分上納豫先編置勘合并底簿發各該布政司都司衛分及收糧衙門收掌如遇客商給完糧填寫所納糧數并該支引鹽數目付客商齋各該運

司及鹽課司提舉司候中鹽客商納米完齋執勘合比對硃墨  
二號相同照數行程支鹽又奏准兩淮鹽運司工本照各場領  
辦鹽數遣監生管運給散山東福建河南止於官庫內關領給  
散九月 上謂新等曰朕今子孫衆盛原定親王歲用祿米各  
五萬石今天下官吏軍士亦多俸給彌廣其斟酌古制量減各  
王歲給以資軍國之用至是新等議更定親王歲給祿米萬石  
郡王二千石鎮國將軍一千石輔國將軍八百石奉國將軍六  
百石鎮國中尉四百石輔國中尉三百石奉國中尉二百石公  
主及駙馬二千石郡主及儀賓八百石縣主及儀賓六百石郡  
君及儀賓四百石縣君及儀賓三百石鄉君及儀賓二百石皇

太子次嫡子并庶子封郡王並候出閣然後歲賜與親王子已  
封郡王者同女候及嫁然後歲賜與王親女已嫁者同郡王嫡  
長子襲封郡王者歲賜比始封郡王減半支給 上於是重定  
祖訓錄名爲皇明祖訓其目仍舊而更其箴戒章爲祖訓首章  
上以是編之作將垂之萬世命大書揭於右順門內西南廊下朝  
夕詳覽斟酌損益久而後定旣而遣使召諸王至京諭以減祿  
米之故且以 皇明祖訓賜之三十年九月 上命新等下令  
天下民每鄉里各置木鐸一內選年老成瞽者每月六次持鐸  
循於道路曰孝順父母尊敬長上和睦鄉里教訓子孫各安生  
理毋作非爲又令民每村置一鼓凡遇農種時月清晨鳴鼓集

衆皆會田所及時力田其怠惰者里老人督責之里老縱其怠惰不勸督者罰又令民凡遇婚姻死喪吉凶等事一里之內互相贖給不限貧富隨其力次以資助之庶使人相親愛而風俗厚矣革除二年閑住壬午年成祖入正大統仍召掌部事永樂元年命簡直隸蘇州等十郡浙江等九布政司富民實北京三年卒於官新有才幹精於會計自謂劉晏以下不論也學士解縉稱其存心豈弟恂恂怵怵允爲爵祿之器云

王鈍字

河南開封府太康縣人淹貫經史舉故元進士授

倚氏知縣入仕 國朝洪武初年授禮部主事三年改湖廣長

沙府通判五年坐事免官十二年復舉明經授北平府通判十

六年陞吏部試郎中十九年陞福建左叅議二十年陞福建左叅政寬慎廉介民懷其惠二十二年奉使撫諭麓川平緬甸宣憲使贈遺金貝固却不受還奏稱 旨二十五年陞浙江左布政使蒞政勤民吏胥憎服嘗伐石以捍江濤民免墜溺旱禱雨卽應憂民之心不遑寢食民咸德之革除二年陞戶部尚書壬午年 成祖入正大統鈍歸附諭鈍與吏部尚書張統曰卿二人久事 皇考習知典故今皆老矣其解見職務月給尚書半俸居京師視時政有戾舊制者並向朕直言之勿隱庶稱屬望老成之意十月命鈍馳驛往北平與新昌伯唐雲經度屯種永樂元年致仕



郭資字存性河南彰德府武安縣人永樂初年任事詳北京戶部

夏原吉字維喆湖廣湘陰人永樂初年任事詳北京戶部

國朝列傳紀卷之三十一終